

守
意
龕
詩
集

守意龕詩集卷四

三韓 百齡 菊溪著

癸卯

張涵齋前輩人日見訪留宿快雨軒話舊

委巷春風聽履聲
草堂人日訂詩盟
寒郊瘦島一生癖
締阮攀嵇十載情
人似蓬麻扶自直
夢隨蕉鹿過時更
後園七種新挑菜
好佐辛盤酌巨觥

附涵齋和

不厭頻頻剝啄聲
山池宛轉憶鷗盟
齋期已任重闔
隔茗話從知舊雨
情漫擬光陰催曉箭
相看燈火坐

嚴更祇餘酒戶寬依舊元夜還思共舉觥

上元後一日 西苑聞樂

侵晨燎火散餘薰嘉宴重開鷺序分
法曲乍從天上譜
中聲同向日邊聞
芳園晝暖新融雪

別殿春深迴過雲咫尺

恩光珍賚滿傳柑
賡拜憶仙羣

上元後二日答王劍溪

鐵鎖星橋面面開
六街絃管頌春臺

鳳池錫宴傳柑到

上元日
於圓明園賜宴

黎閣分光列炬同

是日

由文淵閣散直

門外春多人立雪
檐前花放客吟梅
鞠生昨

夜頑唐甚空負雙輪碾月來

春分日留宿宋奕巖侍讀齋中見爲茅耕亭同年

寫畫梅一幅醉中輒題二截

小住吟肩到玉卮嫩寒輕暖蒔花時卧遊一幃羅浮夢
更倚春風寫折枝

月痕低壓漏聲催叉手頻將好句裁醉墨浣花箋上影
淋漓猶惹暗香來

三月三日約祝芷塘邵香之秦端崖漪園福景堂

夢鑑溪諸前輩小集頤園芷塘先生以詩見贈

次韻答之

成趣每欣園日涉況脩禊事際芳辰插門柳色沾衣嫩
入座花光照眼新一局棋誰爭別墅百杯酒共謝青春

孟郊詩何以謝青春痛飲一百盃

鳳城東望煙波濶鼓柁臨風度綺闌時訂二開泛舟之約

陶寫中年興若何相逢暇日按清歌竹林王濬同遊少

謂王蔭臺前輩下世風月劉惔舊夢多劉純齋先生觀察江南已見朝參容

客懶不妨心境任詩磨藥欄花放還來看方便遙應乞

孟婆

附原詩

今朝上已兼寒食佳節難逢併疊辰觴詠餘風詞苑

盛庖廚豐饌禁煙新偶偕賓侶忘機事況有亭臺得
好春一樹桃花瓊席照斜陽不管隔城闌

已是當筵喚奈何那堪金縷更聞歌張公子乃閒情
麗杜司勳原舊恨多有數朋儕難會合無邊風月易
消磨傷心十二年來事小鳳猶然作阿婆

四月三日同人再集頤園疊前韻答芷塘前輩

嘉會不疏亦不數流觴重例豔陽辰主人布席忽成客

是日乃芷塘端崖雨舊調撥絃都是新座有歌者未必荒園

能買夏果然深屋足藏春晚歸九陌初新雨雲護高軒

過

帝闈

舊來好事近如何
跋扈歡場醉後歌
倦客輪蹄閑地少
妬花風雨暮春多
相看面似冰銜冷
拚使心同鐵硯磨
竈下十年餘老婦
低眉塗抹怯翁婆

頤園遣興簡秦端崖前輩

委巷園林半畝餘
閒招風月入吾廬
羨雲徒作窺籠鳥
破浪誰誇縱壑魚
花逕客來還載酒
蓬山夢遠暫懸車
橫牀曲几清如洗
一卷閒鈔種樹書

頤園買斷得幽棲
野趣蔥蔥望欲迷
八九枝花分葢豔
兩三竿竹截梢齊
宦情促刺談雞肋
人境喧闐厭馬蹄

聞道豐臺紅藥好香醪小榼約同攜

次韻答芝軒侍講見贈

忘情不可得哀樂向來多人事中年積名場急景過無
方蘇渴疾有客引詩魔濯魄冰壺裏浮塵一洗磨

知君能愛日回首恨蹉跎孝思追蔡藿賢聲頌蓼莪願
看遊屐影同作扣舷歌午日風光好輕衫試雪羅

午日同葛菱溪張立人遊朝陽門外

聞道城東芳草地

酒肆名

榴花如火照亭臺那知酒盡歌

山遠捉席空招二客來

頤園晚眺簡葛生菱溪

一桁林蠻障夕曛綠天深處豁塵氛窗前明鏡初安月

檻外奇峰欲住雲論病祇憑心是藥

時余偶患目疾

舉杯偏喜

客談文城南委巷雙扉掩暮鼓僧堂獨憶君

時菱溪廨居松柏巷

喜雨

不雨則無麥油然天作雲神功資利濟農力慰辛勤飄

灑連圻潤蕭騷入夜聞祈壇申

巽命

時奉旨祈雨

霑足望同殷

劉參府丹麓別來三年矣癸卯仲春以卓薦至都

獲晤於春明旅舍感舊言情輒成長律

宿禦曾瞻豹尾榮剖符十載倚干城

丹麓由侍衛擢任外間

將軍

態度尊羊子儒者風流替馬卿

丹麓詩學擅長

一自星輶臨射

圃

余視學晉陽時會同丹麓校射平河

遂於虎帳訂詩盟
峩姑射山前

路雲樹常依細柳營

廿考羣推郭令公
勲名今繪

御屏中乍垂

綸綍君恩重
佇建高牙將
略雄顧我散材真
似櫟是翁
俠氣總如虹
春明門外千株柳
無限長條綰玉驄

送德樹堂學士典試黔中

閣鈴風定露華清

詔下爭誇玉尺榮
學士頭銜先入手
文章宗匠又持衡

樹堂陞學士後旬日
卽拜使黔之

命

牂牁郡遠奎躋麗銅鼓峯高筆陣

橫載咏翹薪言刈楚莫教人懺爨桐聲

秋風瑋稌十年前矮屋三條燭影連

余會同樹堂
應試鄉闈

相馬

我徒過翼野

余嘗分校鄉闈樹
堂每以冬烘相譏

採珍君好種藍田壺冰

況復清心合

時與鮑雅堂
中翰同往

梨棗應教副墨傳佇見絳紗

排玉筍糾桓那更詡青錢

樹堂曾主武闈
鄉試故戲之

喜葛菱溪過談

疊石編籬護幾層小闌紅藥間朱藤彈棋謝墅睹誰健
策杖陶園燕未曾愛爾詩才雄八斗佐余觴政校三升
含情快雨軒中雨點滴深宵聽不勝

夏夜直廬簡瑞芝軒太史

襪被更番直橫牀對待眠驅炎風入夜照影月流天人
境蕭然遠唵壇靜者便傾懷方促膝問齒怡隨肩莫道
石攻玉相斲茅化荃知君非噲等惟我愧廬前碌碌因
人慣硜硜結性偏未忘陶氏璧甘遜祖生鞭暇日輪蹄
息中年邱壑牽悟曾經棒喝心總似旌懸俯仰杯同把
徘徊漏漸傳桃笙高卧處飛夢五雲邊

夏日過訪王劍溪留題賜硯齋中

先生靜者艤閒趣賜硯齋中許問奇摩壁總無題鳳處

臨池忽憶換鷺時

時先生方作書

廬全嗜茗風生腋匡鼎談詩

客解頤那得卧留松塵畔墊巾終日脫塵羈

夜雨海淀道中

捉將官裏去匹馬度層城遠析沈沈響深泥活活聲路
愁雲影塞人借電光行咫尺

仙園近晞陽趁曉晴

頤園晚坐

暮色蒼然來疎林獨倚仗明月如待人徘徊不肯上

招提小坐

雨餘便覺午炎輕小憩禪林滌宦情一逕綠陰深不轉
半天高柳落蟬聲

曉望

破曉驅車出天街微雨過壓籃花氣重浮甕酒香多遠
岫深深樹橫渠淦淦波女牆吟眺處涼意透輕羅

夏日過五坦園檢討隨安書屋用直廬夜話韻留

題

官閒成小隱地僻足高眠爲憶招涼境相尋欲雨天城

隅投轄慣竹榭解衣便讀畫欣指眼

坦園以所藏古輅見示

敲詩

笑拍肩人原同澹菊氣更似香荃愛日金門下看雲玉

壘前

令兄作宦蜀中

諸兄才卓犖稚子賦奇偏藜閣能扶杖雲

衢合競鞭載覘家事樂未許宦情牽我愧醇醪飲君教

木榻懸十年文以會千古業誰傳往昔飛騰意同消研
席邊

丹崖過話知不足齋賦此遣意

我屋北窗下綠天展寥廓望之蔚然深涉趣殊不惡矜
研卷石間一縷油雲作飄忽好風來人靜簷花落忘情
狎魚鳥逃暑厭盃酌俯仰一身閒塵羈那可縛況茲素
心人相遭澹與泊日暮紅霞飛孤懷向林壑

題程東冶舍人墨竹圖

半副橫窗美蔭添墨痕新染竹纖纖紫薇花下人歸晚
翠袖臨風爲解炎

清秘堂同五坦園運時帆茗話

窗納秋陰雨易成
柯亭茶臼締閒情
吾儕慣試清涼趣
人境應嫌剝啄聲
馬勃牛溲同棄物
猪肝羊膊但虛名
枯牀趺坐通禪悅
簷溜衝波聽不驚

晚坐

簾捲秋空案戶斜
四圍芳樹刺簷牙
綠參差處風微動
香遍庭前夜合花

七夕過錢黼堂同年寓齋值諸同人小集把臂入座遲劉侍史不至口占遣興

酒鄉跋扈倒深卮
賺入歡場醉不支
曲以誤時邀客顧

物逢尤處任情移涼蟬抱葉傳秋信夜雨侵牀感舊詩
我輩頻年甘大拙夜檀穀板乞何爲

秋日偕瑞芝軒五坦園兩太史過訪圖時泉司業
於北郊丙舍

十里烟霞欵枳籬勞蹄相伴趁朝曦攜將蠻榼無兼味
醉把村醪感舊思黃稻雲涼秋色滿白楊風急故人悲
諸生易下王褒淚鼓篋槐廬定廢詩

軟紅塵不到巖區槁木形骸守大愚暫許蓬蒿淹仲蔚
那容農圃學樊須墓門霜重初驚眼池草詩成幾斷鬚

時泉讀禮之暇與令弟
賦詩追感情見乎詞

聞道題橋憑壯志鳴鞭

皇路好馳驅

示小崑小山諸弟

吾家素清白詒謀屏寵利睠此篋中書滿籛金不易嚴
君捷魏科簪紱行作吏憶余總角時官舍久隨侍就傅
十三年造膝勤問字愛之能勿勞教之方以義析薪負
不勝凜凜如或陞倏焉少而壯榮顯每滋愧所喜趨庭
時春暉常依庇同氣四五人左右等肩臂一一鳴和聲
凌霄擬雁翅汎遊大匠門散材藉陶埴譬彼蓬生麻扶
直當自致勿爲荒於嬉悠悠惰乃志稍稍足溫飽詎堪
任驕恣吁嗟歲月流老大又奚懟苦口重良藥盤根成

利器古人留箴銘誦言求其意樂有賢父兄此事任匪
異材與不材間捫心思位置

可惜次祝芷塘先生韻

昨非原不識途迷翹足同攀上漢梯幻夢俄成蕉覆鹿
狂心都作絮沾泥祇餘冷味消書帙漫擬孤芳達澗溪
有酒塊然謀一醉婦言那更祝劉妻

清寒落日上平臺小築深棲避俗埃展處固應慙驥足
爨餘肯便棄琴材爐灰焰焰吹還熟歲月騰騰去復來
壯氣橫秋詩筆健長吟休作雁聲哀

聞鐘次韻

高樹夜風息虛堂秋月明一聲發人省五蘊此時清響
柝催深巷鳴籤達

禁城夢回禪榻遠淒絕故人情

聞笛次韻

入破聞三弄清音似振圓深宵憑宛轉離恨忽牽攀陌
上月留影樓頭花照顏不知春已去楊柳遍秋山

疊頤園遣興韻答芷塘見示之作

白眼看人意自豪脚躡相對首頻搔文昌氣訝三台迥
華袞榮虛一字褒誰向藝林收敗葉每看詞峽怖洪濤
城南卧病雙扉掩一榻寒風擁敝袍

才少才多莫更量
濫竽一例廁名場
疎狂晚歲憐坡老
清瘦兼旬憶沈郎
投以瓊瑤期永好
報之雲錦不成章
多因未習閒居賦
短馭羸驂鎮日忙

閒居次韻

幽棲地僻耐官閒
野趣都歸睥睨間
雨過園林秋氣爽
日攜手板看西山

負郭謀田便好耕
區區蝸角厭浮名
眼前樂事誰消得
竹逕蕉窗半日晴

山房卷石帶雲涼
邱壑前因此暫償
掉首塵籠尋淨業
一編趺坐日焚香

餘杯呼取向隣比酒社人來不後期隨分年光行樂好
定知富貴是何時

家風清白恃傳經屋漏森嚴凜大廷去日苦多成底事
壯心徒愧髮星星

茅簷歸聽鳥聲諧人喜抽簪願未乖

時家君子
告同都

料理秋

容三徑好舊時松菊愜幽懷

桃李森森滿舊林春風長護鯉庭陰十年樹木尋常事
莫便輕拋哲匠心

芳圃根芽次第栽肥礲雨露盡滋培蔭茵墜溷花身在
一例逢春爛漫開

題董教習丹崖尊甫元友先生遺照十六韻

淮海高門第家聲豔井間草元楊子宅通德鄭公廬澤
衍傳經後神留寫照初夙懷希世寶曾著等身書蹤跡
嫻馴鶴年華老蠹魚對牀春夢草投轄夜烹蔬況復推
鴻案相將挽鹿車惟公勤式穀有子克延譽華白循陔
遠擅青割席餘素風沿菽粟成器重璠璣教喜明黌序
恩看接

御除半通榮黼黻五色煥簪裾

丹崖教習期滿蒙恩授職始於尊甫遺照

加采綬用誌顯揚

真面披圖在幽光累葉舒表阡應有待容駟

定非虛誰識嵇中散欣逢謝幼輿小言摹大雅握槊獨

慚余

和圖時泉司業倚廬懷舊元韻

并序

詩之爲教夙本溫柔聲之感人半多激楚匣絃
晝掩子山則思舊能銘隣笛夜聞向秀則懷人
作賦況復悲哉秋氣攀條傷搖落之辰渺矣春
暉寢苦發淒愴之韻誰能遣此何日忘之如時
泉年友孝思克純仁言必藹羌思親而刻木旋
屏迹以抽簪蕭客歸來夢繞棲鴉之樹翟公罷
後人嗟羅雀之門攜入室之琴尊感對牀之風
雨掉頭吟詠篝燈細寫烏絲盥手傳觀拍案爭

題黃絹詩惟言志歌乃繼聲相約八人同占五
字馬遲枚速看誰賡郢雪之篇白俗元輕竊欲

附江花之管

陸沈不可極何以拂緇塵裘馬看同學煙霞矚舊隣漏
聲金闕下人影玉河濱處處留鴻爪馳驅歲月頻

回首梁園客淒清憶馬卿一經成獨嗜四壁絕他羸自
著凌雲賦常紆愛日情詞垣欣接武先路聽蜚聲

謝家羣季好相見禮彬彬

昆仲與余
皆稱莫逆

載酒評花月挑燈

說鬼神舊來青眼客今作白頭人鄭重盟車笠如君意

氣真

憶昔灤陽道追陪硯席親

丁酉秋日余與先生尾蹕山莊公餘過從極詩酒樂

好山看入畫閒館靜無塵下榻留賓晚編籬種竹新詩

壇同刻燭竟夕醉芳醇

一自頭銜轉成均道業尊

先生晉秩少司成提唱宗風允符士望

芹香餘

講席槐蔭護吟軒已著東山辰

先生興致高曠每喜登臨憑眺

常開北

海樽吏閒堪號隱底事厭車煩

心遠宜偏地深棲屏俗文山迎閒太傳人識故將軍排

悶牀頭帙怡情嶺上雲鹿車還共挽泉石意交欣

倚廬悲骨立純孝本天成此日聞詩淚他年捧檄情月

鳴孤鶴舞風急夜猿驚土室藜牀畔心同迹共清

離羣吟更苦卽景散幽襟自遣箇中趣還餘絃外音韋

牀聯遠夢

先生賦詩懷友情見乎詞

陶徑締初心雪霽春回谷溫暾

荷照臨

闌珊應笑我塵境任推遷舊雨空相憶新詩好共傳壺

冰晨自濯藜火夜猶然橐管槐廳裏迂疎愧俸錢

附坦園和時泉詩

憶昔論交日知君迥出塵詩書聯夙好昆弟洽比隣

余與先生爲總角交繼又附以婚姻

價重兼金冶聲揚浮磬濱雞窗風

雨夜文會記頻頻

作賦驚齟齬翩翩羨長卿萬言書共獻一着局先贏

壬辰余與先生同赴春闈先生卽於是科先達更切彈冠慶難忘改席情寒

燈蕭寺裏分韻課鐘聲

是年冬先生讀書打鐘寺子負笈往就焉

質文忌相勝夫子獨彬彬雅性兼魚鳥高歌動鬼神

下帷常謝客捫蝨若無人試向廬峯望評量面目真

尺五依光近朝朝鳳侶親

先生以翰林供奉內廷旋擢少司成

披宣

榮紫綬扈從迓清塵國子推遷早

宸章屬和新

天顏知有喜屢沐

聖恩醇

過庭悲綵服典爲愼終尊合葬覘烏樹哀鳴感鶴軒

廬前新草木堂上舊琴樽至孝全孚古何須讀禮煩
忽動抽簪願甘爲舊子文書田學老圃碁陣鼓吾軍
茅屋秋陰雨柴扉暮掩雲先生於廬次結茅屋數椽居之碁書外無長物
然人跡少斗室意常欣

饒有經鋤趣郊居鍛竈成忘形耽小隱嗜古杜閒情

好暇書偏整求奇語必驚

夏月同菊溪芝軒兩兄過訪見先生手抄杜詩成卷

並近作百餘首興來曾訪晤坐對覺神清

懷人渺何極高唱豁幽襟宛續池塘夢遙傳金玉音

相皮還相骨知面本知心

先生以懷諸同人詩見示出語必肖其人盥咏

思元度清輝霽月臨

俗積塵如斗違君節序遷株從貧宦守薪藉故人傳
足跛鹽難駕心灰蠟懼然會當重載酒同解杖頭錢

冬夜讀圖時泉司業詩題贈二律

老屋荒園雪作寒一編高咏漏聲殘詞源疏派流巫峽
意蕊香襲澧蘭輾輾迴腸噁更苦尖叉韻穩和皆難
紙窗木榻雙扉掩冷境何人刮目看

的的鵬鵬振羽翰倦飛聊向一枝安詩堪作畫娛情便
病更兼貧處境難自昔逢人曾說項於今此事定推袁
重城久隔西窗夢剪燭烹茶到夜闌

歲暮寄懷葛菱溪

時葛生隨溫太史之秦中

漂泊依人感不勝西風吹鬢旅寒增一鞭欵段潼關外
又見黃河十月冰

睥睨秦川雪陣收磨崖知向華峯遊芙蓉朵朵仙人掌
羨爾題詩在上頭

函關紫氣映晴嵐清渭涓涓竹影含如此山川容眺咏
莫教愁思賦江南

卻生入幕膠投漆司馬揮毫速更工遙憶隴頭梅信早
一緘急遞待春風

不寐

滅燭宵分客不眠寂寥明月墮窗前三旬歲籥逢春改

百丈心旌鎮日懸富貴久虛翁子望行蹤并作郭郎牽
過庭菽水甘如醴白髮雙親侍暮年

臘八前一日同瑞芝軒五坦園侍直 文淵閣分

韻賦詩得三字

左界奎躔麗雕甍旭彩含官清同襍被

禁近喜停驂鳳閣春先到

時冬至後一日

龍池雪尚涵庚辰搜

祕簡甲乙列琅函芸案噓香草紗厨辟翠蟬日星原共

覩河海詎能探給札水衡寵傳餐玉粒甘

書成度閣

上嘗錫宴

賦詩嗣此入直 詞臣日給官餐 名高雲許附

恩重澤均覃趨步班行謹賡歌職事慙衣冠陪末座燈

火伴虛龕說餅閑情好烹茶別趣諳十年追舊夢片刻
洽深談蓬嶠塵氛滌芝蘭臭味參漱芳披竹素琢句寫
雲藍況復移尊遠何妨下箸貪是日坦園先生攜饌餉客鄙真羞食
肉惠卻似分柑殿角鐘頻報樓頭日漸南已過磚影八
誰限燭條三歸路寒梅放斜隄凍柳移來朝聽臘鼓嘉
興倍沈酣

文淵閣入直簡五坦園

催曙宮鐘隔苑鳴一竿紅日上丹楹雪消撲地寒雲色
樹老摩空亂水聲入直芸編司甲乙

校理職掌閣書每十日更班侍直

浹旬莫莢驗虧盈掖門東望金階滑步武從君緩緩行

臘日

社鼓頻催臘飛騰感歲華
盆梅香撲鼻金粥味膠牙
暖日趨晨直寒風放晚衙
銀罍兼翠管迴首五雲賒

十二月十四日同芝軒坦園兩太史入直 文淵

閣晚歸得句

祕省迴翔半日淹祇餘塵狀對瑤籤
人呼牛馬何妨應我欲熊魚不可兼

是日爲人治事不就故戲及之

散直鐘聲傳禁鑰過

街燈影落寒蟾勞形尙覺吟髭健
點筆西窗句又拈

喜雪寄圖時泉

今年冬日暖逾格瑞雪農田望膏澤
快哉滕六驅神工

力破天慳手加額打窗飄忽夜向晨剪截冰花積瓊壁
千門萬戶寒無聲一色流雲迷咫尺堆林合與肥早梅
被隴況宜沃宿麥此時對景心跡清足音夢入袁安宅
絲絲土銼青煙青點點麻衣白雪白荆扉反鎖客未來
捉鼻牀頭結詩癖

雪後瑞芝軒過訪圖時泉附寄

打門昨夜驚寒雪破曉人來聽履聲驢背定尋梅樹卧
馬蹄真向玉山行移尊笑我偏濡滯落筆知君更老成
相約東風沙路軟便攜詩篋過春城

時爲時泉
點定詩冊

臘月廿三日口占

山梅岸柳稱年光
節序侵尋客思長
是處占農歌白雪
誰家媚竈祀黃羊
冷官寂寂參朝懶
健足騰騰饋歲忙
一碟膠牙餠正美
不辭春酒覆千觴

歲暮述懷

爆竹驚眠響隔廬
深燈細剪夜窗虛
寒梅入座春先到
朔雪封檐歲逼除
未許驍騰誇健足
好從休沐讀殘書
豪情幻想消磨盡
閱歷於今十載餘

過庭人誦歸田賦
回首名場感鬢絲

時家君自陳郡告歸

領郡暫

消鈴閣夢壓囊猶欠
草堂貲病占勿藥
愁何在情愜含
飴樂不疲料理東園松竹好
精神強似挂冠時

涉世休言馬識途
凌兢翻笑負轅駒
難將面目逢人改
但覺心情隔歲殊
架上書香餘萬卷
門前槐蔭庇三株
願將家教分諸弟
努力修身愛髮膚

綵箋貼牖煥門丞

帝里韶光逐序增
近市人聲喧臘鼓
斜街風影試春燈
蓮花漏永銀河轉
柏葉杯傾玉液凝
廿六年光一彈指
壯心今夕激飛騰

守意龕詩集卷五

三韓 百齡 菊溪著

甲辰

元旦早朝

彤雲開鳳闕
蓮漏報雞人
獻歲同增甲
占星盡拱辰
樂聆仙管叶
香惹御爐新
叨侍鵷行末
長霑

聖澤醇

況復春祺普
朝元輯瑞初
崇卑昭

聖矩仁壽奠
民居瑞雪豐
年告祥雲
太史書賡揚
慚麗藻葵向
寸心舒

堆雪

畚鍤頻教小僕攜瓊瑤堆共假山齊春園樹樹霑膏澤
莫委階前踏作泥

六出花攢白似銀草堂高積勢嶙峋縱教見睨消仍好
不比冰山誤勢人

拜年詞

賀歲例須早往來禮所尙春風滿京華冠蓋日相望吾
亦未免俗間訊投所向巷狹車輪迴途迂馬力壯半刺
出袖中扣門具言狀司閭踞宿醒謝客顏忽抗敬主以
及使一笑恕其妄人情急逢迎苦味蓋可想我竟遲作

答或亦能見諒勿勿整歸鞭沃面退塵埃

正月三日過訪五坦園隨安書屋留題

僻巷城闌宛轉通安扉茶壘占春風祝君宦逕騰騰上
約我心交款款同藜閣日長娛綵服劍門雲暖遞征鴻
時令見作 宦蜀中 攀芳況有新桃李爛漫都歸顧盼中

正月三日對月

新歲看新月西樓影乍橫一年丹桂發三日玉鉤成淡
欲分燈市低還近

鳳城清輝元夜滿佇聽踏歌聲

人日出城欲過宋侍讀奕巖厲齋索飲不果作詩

投之

人日常年春色暖今年人日未逢春剪花插鬢含風峭
挑菜盈筐濯雪新渴吻猛思沾酒躋勞蹄翻怕隔城闌
橫街一片斜陽影凍柳條條曳軟塵

盆中牡丹

誰遣催芳羯鼓搥霜天忽放牡丹芽寒培客土香微泛
暖入薰籠氣總賒似約嶺梅同傲雪不隨欄藥共蒸霞
後塵姚魏翻相笑春到先看富貴花

盆中水仙

裊裊娉娉倚玉盤水紋春醺一痕寬微香袖底含風透

倩影牀頭帶月看便擬凌波思解佩可能入室夢徵蘭
神仙姑射分明在冰雪肌膚慣忍寒

人日與杜西林同年小酌藤花閣聯句得兩字

煮酒澆枯腸說詩搔吾痒

菊溪

人日逢故人先輸頭一放

西林那知坐春風忽撰先生杖

菊溪

交情氣槩中蘭板聚而

西林上

辛盤菜根香甲夜唵髭彊

菊溪

鐵網羅珊瑚明珠求

象罔

西林

先鋒錐出囊妙技九脫掌

菊溪

金貂貴七葉蠻箋

光萬丈

西林

騷壇執牛耳詞圃織魚網

菊溪

三生石上靈風

月含天壤

西林

今夕更何夕披雲卻塵埃

菊溪

拇戰三逐北

頭銜元署長

西林

瓣香彼此同何須較銖兩

菊溪

藜火藤花

閣新翻天祿樣

西林

上元前一日立春同年爲歌酒之會晚歸遣興卽

用查初白先生上元夜飲姜西溟同年寓元韻

地軸迴青陽宿寒發似弩改歲已浹旬雪痕餘凍土今

辰斗柄東和曦媚衡宇新年例有會折簡招伴侶廣陌

安燈棚短巷競腰鼓條風吹柳枝柔線乍可數嘉譙開

城南觀者竟如堵秦腔忽繞梁巧作雲翹舞

是日演劇呼爲柳子

腔

絃聲嬌欲歇間以柳聲補努目俄低眉優孟不自苦

臨觴付一笑獻酬迭賓主竿木同登場貌與心誰古況

復佳節逢圓魄近三五踏歌夜禁弛花市銀蟾吐爆竹

能驚人雷鳴等瓦釜我輩興不淺那更較貧窶解囊訂
後約及時作豪舉晚影扶頽唐車馬散如雨後塵步老
成酒狂避狎侮聳肩撥喙髭索句力須努小技慙雕蟲
高韻羞畫虎良宵鐘漏賒清味消幾許簾罅暖烟騰春
歸坐和煦

元夜遲杜西林同年不至

都會例張燈金吾撤禁鑰舉首一圓鏡清光滿城郭簫
鼓聲摩空爆竹警寒鵲千影萬影中街市履交錯我嬾
不出遊藤牀坐小閣草草羅酒漿傳柑敦夙諾招呼太
乙黎夜向蓮花幕那知髯翁杳迷觴似有託玉糕兼浮

圓何處貪大嚼不然倒空囊蒲檣縱戲謔斜輝夜將半
四照燭花灼躊躇興不已獨陰還獨酌笑指柳梢頭誰
失黃昏約

附西林和元夜詩

玉輪開元夜紺滑做秘鑰燭火不讓明列炬爭春郭
虹橋亘長空詎駕雕陵鵲天街朗似畫三千珠履錯
中有老乙精然藜校書閣東壁借餘光良宵証然諾
燈花落夜半微風動虛幕高吟邱中章麻李想寄託
竊笑賈胡留槎枒與咀嚼南風操土音少解離鄉謔
爛醉逐踏歌望闔隔攸灼防風膺後罰薄懲取解酌

金吾尙弛禁與續觀光約

十六日夜坐再簡西林

陡覺春寒結硯冰煨爐榾柮暖騰騰東風力軟難消雪

夜月光收欲讓燈

是夕微陰

細譜茶經歌七碗怕逢酒伴校

三升遊筇畢竟髯翁健笑我勞形倦不勝

招及門諸子小集頤園有懷葛菱溪卻寄

傳柑相約入歡場雪霽清輝玉滿堂匝座酒傾劉白墮

隔簾人憶杜黃裳蓮花到處能開幕錐穎何時見脫囊

昨夜春風蘇凍柳爲君攀折惜年光

正月十一夜德學士樹堂過訪頤園留酌分賦得

稀字七言八韻二首

牂牁風雪壓囊歸

樹堂上年典試黔中

休沐閒蹤見亦稀未辦壺

觴邀臘屐漫勞車馬駐荆扉拍肩乍喜燈聯影揩眼頻

看月放輝北陸十旬更歲籥東風三日展春旂

十四日立春

迢遙漏遠沈宵箭料峭寒深護地衣酒坼印泥傾盞滑

菜挑霜種嚼根肥詩壇牛耳誰當執宦逕羊腸任自違

好是鯉庭桃李樹新陰披拂向春闈

鈴索風寒策馬歸槐廳鎖印事元稀一爐宿火春回谷

半畝荒園夜掩扉暫枉籃輿驚剝啄儘容蓮炬借光輝

扶輪日下推冰鑑乘傳天邊拓繡旂銅鼓登峰花壓帽

鹿門題壁墨留衣

樹堂以題鹿門試院詩刻見示

餘波到處霑枯朽舊

雨關心念瘠肥每以簿書閒趣少詎因階級素心違踏歌好約團圓月九陌鰲山拱禁闈

正月下浣招同夢銀臺借菴德學士樹堂茅編修

耕亭閭祠部墨園小集藤花閣三疊稀字韻

柳條葱蒨引春歸曉日烘檐雪陣稀

是日微雪

老屋儘堪供

草具高軒未肯避柴扉雙清雅筵金蘭誼四照欣扳玉

樹輝共締詩盟催社鼓誰占酒伴識星旂分曹緩步同

簪筆驚座狂言欲拂衣三逕也應容彳亍五陵寧與門

輕肥多情待月還教住有約看花莫更違記取人生行

六頁有言集 卷五
樂耳況將萊綵慰庭闈

飲王劍溪賜硯齋卽席賦贈

難於忙處得閒人二月青韶又及旬堆案簿書成俗吏
過街雲樹劃比隣不忘一飯酬前約每愧雙輪碾後塵
時有夢鑑溪前輩在座連日作寒風力猛賴君分餉甕頭春

迴翔獨有宦遊人九九寒圖判淡旬豪氣未除詩作陣
餘輝許借德爲隣忘情太傅仍穿屐汗面元規欲障塵
爭似光風容坐卧片時黍谷頓回春

春夜

九陌輪如織黃昏暫歇鞍片雲將雪意偏夜作春寒芳

訊蹉跎易塵根解脫難息心參淨業趺坐到更闌

送同年宋奕巖之廉州太守任七排二十韻

祥光西掖接

楓宸匭使朝傳

巽命申

是日本報到閣奕巖於直次拜出守之命

五色尙裁天上詔一麾俄

擁日南春屏懸

丹筆才名重

癸卯京察一等記名

家衍青箱治術純

尊人由保陽太守擢

潞河監司

特賜魚緋縣舊澤重扳熊軾步前塵緇帷未許慙新婦

白髮真堪慰老親已見乘輶垂藻鑑

庚子典試江西

又從領郡

播

恩綸行時雪暈蘆溝淺到日霞蒸荔浦勻冰案香凝風
滿袖棠陰騶唱雨隨輪詎因泉濁難明志縱使珠還莫
厭貧買犢餘歡騰蔀屋揮絃流韻遍儒紳計廉共式周
官法注考當過漢吏循贈以箴銘言鄭重送之歧路意
遂巡聲搏鵬翼扶搖健跡印鴻泥俯仰陳憶自銀袍題
沒墨遂於寶樹接芳隣簪毫似我攀嵇久脫穎知君借
寇頻豹尾仙班秋侍

輦

丙申同扈
蹕滌陽

螭頭曲
讌晝連茵

壬寅春侍宴
文淵閣

橫街聽雨

曾留榻別墅看花數飲醇十一年來青眼客九千里外

素心人撥煩定復吟紅葉永好猶應惠錦鱗迢遞天涯

郡有天
涯亭

迎竹馬佇聞有道頌遊秦

唐顏遊秦守廉州民
戴之有顏有道歌

奕巖出守廉州行有日矣余既作七排二十韻送

之復與二三知己謀餞城南離筵絃管棖觸詩

懷載賦絕句四首書之箴頭用以代繞朝之策

何如

漫詡仁言合贈行匆匆難遣別離情陽關舊例歌三疊

更與吟詩當渭城

裙屐翩翩侶少年酒場詩壘亦前緣磬鍾峯畔秋容好

記得看花咏鳳仙

紀灤陽
舊事

守意龕詩集

卷五

八

弄筆晴窗淡墨浮無聲詩爲故人留

時奕庵以畫見遺

春山掛

壁生雲樹準擬思君作卧遊

贈之涼友素心同摺疊殷勤懷袖中舉似袁郎翻舊語
黃堂好自播仁風

贈杜西林孝廉

典墳滄靈府文字餘芳馨清濁流派遠判若渭與涇作
者入堂奧祕鑰門常扃紛紛飭餽家何由窺儀型杜子
老斲輪甘苦皆已經皋比教不倦光風噓戶庭理窟洞
觀火詞源高建瓴肘腋驅萬卷囊括無畦町當其興會
至洋灑筆不停一讀三歎息春夜燈熒熒金鐘發妙響

扣之慙寸莛脂炭向矮屋蕊榜聯文星及今斗杓回起
蟄來春霆

瑞芝軒侍讀以詩懷圖時泉次韻附寄二首

誰識閒居賦惟公解避喧留徐常下榻學董不窺園詩
味經甘苦人情泯輕軒任教疏逖久雅度總難諼

酒伴蹉跎慣陰賤絡繹催

芝軒以詩約同人載酒過訪

不妨攜客去

同是探春來野帶溪烟合風將柳葉裁鶯花餘上已觴
咏足新醅

小寒食同瑞芝軒侍讀五坦園檢討陸璞堂編修

過訪圖時泉同年園居以杜工部邀人晚興留

句分韻得興字七言古

冷官冷處懸敝乘于野同人忽乘興春山嬌嬾春水明
東風吹入三三逕故人老屋八九椽扣門小僕出相應
鹿眼籬疏花刺簷烏皮几畔塵生甌客向城南載酒來
澆腸莫笑餅之罄去日驚心題壁詩此來脫手新詩贈
泥雪匆匆俯仰間一觴一咏皆前定試看新柳起新煙
磔磔鳴禽好靜聽

是日晚歸復賦七言長律十二韻

欸段春郊笑著鞭柴門重扣白雲邊九衢冠蓋閒時少
一畝椿杉靜者便結舍不爭蝸角地賦詩多感蓼莪篇

誰因朗月思元度慣向東風憶鄭虔
繞壁林巒都作癡馴階雞犬欲登仙
到來撫景頻移晷別後流光忽判年
乍挽柳條迴澹沱數聞鶯語致纏絲
賣花深巷曾聽雨炊黍前村合禁煙
節序閏添桐葉影朋儕懶謝竹林賢
是日在坐五人遲東
冶時帆雨兄未至酒傾綠蟻腸先潤
茶解紅囊手自煎儘有閒情陪蠟屐
更無佳句寫蠻箋揚塵堀堞歸途晚
悔未從君借榻眠

閏三月朔日同人集瀛洲亭咏海棠以如登瀛洲

分韻得瀛字七言絕句

池波清淺遡方瀛曉日花光隔水明
不是海棠留客住

更誰索句到前楹

雲錦冰綃細剪成花仙端合貯蓬瀛逢春況復春猶閨

天假韶光特向榮

小園昨夜雨初晴薄暖輕寒蕊未成

余家願園有海棠二株

畢竟

頭廳風色好賦人花亦笑登瀛

附許石泉詩

得登字

環檻波光徹底澈柳絲風裏日同憑遲春花放重三

候攬勝人居最上層索句遙情前度減

壬寅春諸前輩共作海棠

詩未及酬和

惜芳清興隔年增

去年花竟未開

捲簾竟欲追徐儉

巢飲還思引客登

徐儉家植海棠結巢其上花時引客登木而飲

閏三月六日雨後程東冶舍人招同人崇效寺看

花歸飲斜街寓齋賦贈

傳箋銀鹿報先庚泥瀉尋芳曉出城花好況逢春又閏
客閒難得雨初晴林梢翠滴如膏膩沙路塵消似掌平
一逕香煙排闥入午時鐘曳寺樓聲

亞枝紅白映蒼苔嫩蕊商量作隊開縱使墜茵真諦在
若教拈手妙香來相看此日重三候算是今年第一回

用查初
白句

初地不須愁翦拜

寺僧懸脾
禁人攀折

好憑陽焰護根荄

蘭若東西路更斜苾芻軟語坐烹茶談禪誰悟三生石

近佛都成上界花前輩宗風留畫卷

觀拙菴和尚青松
紅杏圖有阮亭竹

垞初白三
先生題跋
故人好何待籠紗
壁間讀朱淵亭同年詩
眼前慧業臨

機得況盡朋簪玩物華

短巷車簷掛夕陽
入門花氣散餘芳
好遊竟日攜雙屐
拚醉今番舉十觴
莫笑橫牀攤飯懶
不辭點筆索詩忙
餘春尙憶豐臺畔
紅藥翻反待謝郎

再偕同人看花崇效寺

花光一丈偈崇臺
曲徑層層翠作堆
得地靈根常爛漫
當春好雨又滋培
相逢勝友慇懃問
每恐名葩寂寞開
不是生疎求熱熟
輝典有生疎求熱熟語
寺僧休笑客頻來

及門劉濬川不第將歸詩以慰之

九衢桃李任繽紛壓蹇春風惜袂分
曲調不須傷白雪
羽毛端合薄青雲榮枯過眼都成夢
得失憑心祇論文
聞道曲江筵上客登科爭說愧劉蕡

成樂軒詠藤花分韻得樂字

廣軒三面開新綠淨如濯木格懸瘦藤
鉤連出墻角怪
蔓抽風長老根滲雨渥上走紛龍蛇天
矯不可捉際此
春晝晴亭午張翠幄花頭千萬梢瓔珞
色斑駁席地同
牽攀刺眼塵不覺我聞剡溪賸百番取
質樸又聞赤山
筇九節資匠斲芳條供時好如玉失其
璞何以蓬闥巔
紫雲看一握繞竹詠新詩獨慚謝康樂

丹條初繞
竹謝句

春園

半畝園居好春深獨往還
種蕉宜聽雨壘石欲登山
蟻陣機心化禽聲樂意關
不須愁地癖吟眺趁官閒

及門葛生菱溪書詢近狀賦此報之

曉從西掖點朝班
暮向東園侍笑顏
舍此更無些子事
巷門兩版晝常關

學惟遜志業惟勤
尺璧真難抵寸陰
日課不教諸弟嬾
讀書聲向隔牆聞

掃地焚香午夢回
日長如歲獨徘徊
笑看弱女翻書帙
烏几前頭問字來

如穗燈花隔座垂
夜窗雲掩漏聲遲
鯁生底用憂農事
喜雨先成望歲詩

偶逢櫻筍又開廚
有客登堂半酒徒
花下且爲無事飲
勸人鳥亦喚提壺

雨晴野圃墜紅藥
雲暗僧廬倚海棠
自笑閒官閒不得
一春多爲看花忙

駑馬嘶風亦自豪
刈芻言秣不辭勞
呈材縱讓飛龍殿
忍見稜稜瘦骨高

本無塊壘不須澆
解脫隨緣樂事饒
好是開籠看放鳥
任他鼓翼上青霄

故紙鑽研歲月增
因人碌碌客何能
蓬山慣領煙霞氣
不厭頭銜久署冰

莫爲離羣嘆索居
故人昨日惠雙魚
拈髭更與裁新句
寫向雲藍作報書

生日

丈夫志四方義取懸弧矢
修途最邁征所到焉可紀而
我坐墮廢加長誚馬齒歲月如奔輪
卯角一瞬耳不聞
蠅出頭徒見肉生髀
斂手解藏拙窘步學知止晨昏歡
有餘常作趨庭鯉失德戒乾餼
同心倚臂指弱女雖非
男繞膝差自喜
今辰天氣佳砌藥發丹蕊
升堂進壽卮

慙愧二三子笑問客何能食粟而已矣

述亭三弟舉子詩以誌喜

萸茱舒英月上弦添丁人報畫堂前弟今抱子猶中歲
祖喜生孫況暮年繞膝佇看雛鳳引投懷還望蚌胎連
身官吉曜常相護甲乙新排珞琰編

湯餅筵開賀客俱嚶嚶聲喜浴兒初繫之綵正延祥後

兒生端午後二日

錫以名因祝嘏餘

時屆嚴慈六旬大慶爰名之日雙慶

摩頂

已知能跨竈出頭端合驗充間退之老去詩情健促筆

當教阿買書

雨後過金鰲玉蟬橋看荷花

虹橋落影濕煙橫
萬柄荷頭雨歇聲
拓畝綠天浮葉遠
撥雲紅日逗花明
託根未許淤泥染
撐蓋能教溽暑清
太液池波深似海
芰裳容與住蓬瀛

次韻答英煦齋見贈之作

小奚隔巷遞吟篇
茗椀清風憶玉川
五色龍文爭刮目
早教聲價邁羣賢

龍門高咏白雲篇
手筆真能障百川
宗伯師詩學淵醇及門均難嗣響

誰似鯉庭香一瓣
繼聲齟齬勝諸賢

鄴侯牙軸積鴻篇
好下帷應學廣川
董江都號廣川況復題顏

庭訓在
宗伯師揭樂多賢友之訓顏應事曰樂賢盍簪集益樂多賢

英淑川疊川字韻酬余筵頭奉和之作仍次答二

首

刻燭催成郢雪篇朱華真好誦臨川

王內史詠子建朱華綠池之句

家羣季風流在

淑川昆仲與余皆友善

分領詩名似昔賢

五雲他日賦連篇才調如君合濟川我愧盧前無善步
軼羣甘讓後來賢

雨後直清秘堂遲同人不至用坡翁玉堂孤坐不

勝清句得長律四首

玉堂孤坐不勝清一幃秋容卽目成藤蔓刺簷捎雨腳
柳條穿徑曳風聲空亭瘦石含雲重曲沼文魚蹴浪驚

撫景乍疑凡骨換等閒身已到蓬瀛

玉堂孤坐不勝清老吏蹢躅罷送迎牆角蛩吟催暮景
屋頭雀噪報新晴疎慵正合攤書卧襜褕何堪曳屐行
冷宦杜門真似隱敢憑雞黍責寒盟

玉堂孤坐不勝清烏几閒凭曲尺橫鎮日勞形陪履舄
暫時斂手謝楸枰馬遲枚速皆同調王後盧前有定評
十二年來翔步久汗青空自對書城

玉堂孤坐不勝清簷馬風烏雜漏鳴溽暑氣沈冰椀淨

濕煙痕暈葛衫輕上心忽動陳荻感

謂宋小巖王
蔭台前輩

把臂

寧乖舊雨情欲証鴻泥留指爪五雲多處畫圖成

題樹堂學士使黔草卽次集中題鹿門書院韻二

首

不負初心似飲泉
量才玉尺更無偏
絲綸乍領丹霄上
風雅都歸絳帳前
山驛挑燈詩作畫
江船吹笛客如仙
夜郎一瓣香俱滿
膏馥於今溉後賢

鏗音鏘韻落珠盤
大筆涵濡魄力完
見說乘風能破浪

果然拔幟獨登壇
羣芳氣與湘蘭合

集中有逗人詩思
過沅南句知其感

發不度曲聲如郢雪難
一卷皇華周太史
未妨屈宋作

衙官

摺疊扇

得風字

誰改團圓樣偏教摺疊工羅紋裁熨貼竹骨截玲瓏用
取蒲葵外功歸掌握中肯教藏在笥捐棄怨秋風

爲殷岸門先生題金陀園圖卽次祝芷塘前輩韻

四首

構李笙歌會繁華過眼空誰知園徑好猶在寺樓東人

事如流水吾廬足古風倦翁遺蹟在俯仰素心同

園爲宋岳

耕侯倦翁所葺國朝

曹秋嶽居此因號倦園

樹老陰逾茂山幽趣更真塞垣曾入畫

曹秋嶽曾作倦園圖

花塢

尙留春選勝琴樽洽忘情鳥雀馴閉門吟卧者幾輩著

書人

何必買山隱脩然一畝居陽坡新種竹暗水細穿渠地

認鴟夷路

圖濱范蠡湖相傳蠡從入五湖處

人稱仲蔚廬亭臺收甘景

憑眺百年餘

那得肩輿入翻疑健步移湖山題詠處畫幃卧遊時松

火明茶鼎蓮香泛酒卮何緣同鄭老幽賞愜襟期

杜詩欲赴

鄭老同

襟期

題岸門先生對鏡小照

非我焉知我相看面目真此心無滯礙入畫亦精神清
白傳芳訓高閑滌幻塵餘輝流照處花木一庭春

和大宗伯德定圃先生對雨有作元韻

殿閣星辰曳履回

杜詩聽履上星辰

絳紗高殿拂纖埃蕉心帶

雨秋陰展石骨生雲畫幰開人聽槐音占相久

祠部有古槐相

傳夜聞絲竹之音卽有入相者

天分藜火照書來十年問字侯芭在載

酒殷勤侍晚杯

輓邠東園妹倩

霜摧蕙草風落金柯望衡對宇渺若山河一朝瞑目隔
幽窰萬事回頭空逝波憶占歸妹聯姻姬視爾才質堪
切磋少孤縱未習庭訓負笈猶喜升鄉科貧賤憂戚玉
汝成天心豈令終輒軻況復高堂有母老且病日日望
汝捧檄鳴玉珂何圖一豎偶爲虐牀褥輾轉成沈疴稱

藥量水我在側金丹那得回陽和奄奄一息呼不語膚
冰猶爲三摩挲嗚呼東園奈爾命何豈不戀護砌之春
暉迫暮豈不思總帷之破鏡難磨豈果曲逆之陰謀絕
後豈真長沙之鵬鳥來過一家梁棟忽然折天道茫茫
何謬訛身前身後成底事去日苦少來日多撫棺頓足
大聲哭罷春蒿里皆悲歌秋風兮淒颯秋雨兮滂沱招
汝魂兮夜將半臨汝穴兮山之阿傷心慘目竟如此嗚
呼東園奈命何

東園之歿旣以詩哭之顧瞻吾妹怒焉心傷作此

誌嘸

別鶴咽琴操孤鸞虛鏡塵骨肉忽陷缺撫膺真悲辛同
胞祇一妹少小情性醇稍長習女紅姆教能嫻循父母
特鍾愛掌上同奇珍爲汝占鳳卜歲月多逡巡遠道侍
官舍未易匹晉秦遲汝年廿一於歸偕舊姻

妹倩余兩
姨弟也

彼時歲辛卯嚴君遷浙濱羅襦及釵鈿奩具傾俸緡老
母留京邸吉事勦吉辰持踵送之門敬戒言諄諄聞汝
相夫子室家無嫌嗔養姑修婦職黽勉不言貧提甕與
舉案古人堪比倫逾歲我通籍買宅東城闔所居雖隔
巷煙火如比隣公餘輒走晤車轍無停輪東園領鄉薦
歡洽平生因揚眉出頭地卓犖觀國賓搏風振健翮拔

浪蘇潛鱗象服宜偕老志久必伸何期伊數盡難改
骨相屯昨爲道理樹今何未亡人夫死又無子子然餘
一身唱隨十四載迴首如經旬所望成畫餅何以慰雙
親勸汝止血淚我淚先霑巾命薄一至此天心何不仁
投筆三歎息傷懷難具陳

郭外吟

秋草漸黃秋露白廣川斜照背城郭郭外人家急暮砧
重茅短櫬楓樹林側身俯仰愁四顧傷心怕見邛山路
靈輶不動哀角吹紙錢索索寒鴉啼彭殤一例黃泉下
世間誰是長年者感舊回頭愴若何西州門外淚痕多

秋日同潘容齋侍御五東瞻太史過訪王劍溪明
府留飲賜硯齋卽次漫興元韻

長醉原非困酒魔

用高青
卽句

索居人與墨俱磨重城晝靜

寒砧急老屋秋深落葉多未許掉頭嗤俗狀尙堪叉手
入唵窩石闌點筆黃花瘦爲問詩情近若何

浮生幻望總成魔攻錯於今玷可磨八斗知君才不少
三升笑我酒空多枯枰乍對驚蝸角苦思頻抽類繭箔
也識閒閒最好據鞍其奈壯心何

秋日時泉同年過訪卽次見贈元韻

不惜勞薪覓舊遊拒關幾使誤蒼頭

時泉到門幾
爲奴子所阻

霜雪千莖少

時泉舊多白髮今盡拔之

出袖煙霞一卷收

時以園居近作見示

人豈分金輪管鮑師曾傳鉢憶蘇歐

余與時泉同學詩於曉嵐司馬之門

往來莫厭茅齋冷三徑黃花趁晚秋

秋日觀射

廣場風日麗清秋
肄武朝從射圃遊
幾隊龍媒飛電掣
一行雕羽帶雲流
北平壯略推猿臂
定遠雄姿憶虎頭
卻笑毛錐拋不得
書生無分覓封侯

賦得人澹如菊

得心字

卓爾人如玉蕭然菊散金
此中無俗韻相對愜幽襟
晚徑含風綻疎籬冒雨尋
忘言交以淡有味息之深
桂似

歌招隱蘭疑筮盍簪不因蜂蝶豔甘受雪霜侵瘦每憐
孤影清猶助雅吟緬懷陶靖節渺渺結同心

賦得採菊東籬下

得陶字七言八韻
同圖時泉五坦園作

秋色蒼茫睇遠皋黃花爛漫助詩豪種之三徑松同茂
護以重籬竹更牢嫩蔬乍開霜絢彩冷香初折露凝膏
叢依東壁蛩聲繞枝亞西堂月影高晚節天教清不染
孤芳人喜淡相遭果然紉佩同蘭晚便好餐英學楚騷
插處滿頭應獨笑尋時冒雨詎辭勞柴桑佳客風流在
泛酒聯吟擬和陶

爲東冶中翰題花草畫冊

春訊留三徑秋容點一欄似從花裏過都向畫中看嫩
蕊風猶動垂梢露尙團寫生資妙手挂壁愜清歡

次韻答徐冰崖孝廉重九日見寄

登臨佳興與誰同古屋秋深落葉中籬菊色難禁夜雨
壁蟲聲似訴西風憐君壯志貧兼病寄我新詩速更工
爲遣楮生相問訊一緘隔蒼遞郵筒

秋夜遣興三首

作於快
雨軒

淅瀝秋聲在樹間繞枝鴉鵲暮飛還涼軒佇月清於水
瘦石堆雲峭似山萬事求全徒自苦一生多累那能閒
漏沈門巷無人過把卷挑燈暫掩關

三間老屋市聲遠半畝荒園秋氣清
土銼生煙書幌暖庭梢脫葉紙窗明
世途曲折羊腸坂宦逕翔迴蝸角名
賴有麴生能引睡撼隣鼻息任雷鳴
用坡公詩意
鏡中怪我朱顏改頭上侵人白髮來
萬里乘風空有願百重堆案愧非才
蒼松傲雪枝還偃細菊凌霜蕊漫開
誰道吟詩淡生活頓令心地脫塵埃

曉行遇風

紆如五鼓雞既鳴欲落未落斜月橫
搖腹鼻息那能穩馬駝殘夢爭出城
霜華在手墮鞭策顛風捲地心骨驚
雲氣翻墨塵作雨萬木浩浩同一聲
我車飄忽如敗葉

竟恐飛去沈滄瀛僕夫動色猛立腳挽繯不前思倒行
道傍古寺扣關入木魚催曙幽且清禪牀枯坐萬慮脫
迷途回首嗟勞生

飲快雨軒次蔗圃孝廉韻三首

綈几古香滿疎林落葉寒登堂無俗客開卷笑羶官意

氣推張范聲華屬富韓忘形須痛飲莫厭酒盃殘

是日
園時

泉後
至

惟君壯遊色一卷壓囊詩但是白描處都成黃絹辭

詩
蔗

圖以南遊
草見示

驪驚珠已得豹許管頻窺未竟百番讀西堂

月墮時

辨材非橘枳入室卽蘭芝酒熟氣芳潤燈明光陸離暑

衡原是長

物之無用者爲長

安性不嫌癡翻恨識君晚風塵失

素期

頤園五首次韻答蔗圃孝廉

荒徑秋深半草萊園扉兩版倚風開冷香尙有黃花在

合著詩人覓句來

日月湖邊倚畫廊壯遊曾識鄭公鄉而今舊事憑君說

十四年如掣電光

余於辛卯秋會隨侍四明官舍

立雪纔容伯仲行愧教寒谷迓春光下帷雅侍江都訓

少學真同日出陽

少而好學如日出之陽語出說苑

半牀黃葉掩書帷
明月慙勤入夜窺
客散酒闌清漏永
箇中詩趣更誰知

槩澗詩成矢弗諼
繼聲翻笑俚歌喧
何由丐得生花管
桐柳新詞賦小園

十月十一日夢中得爲惜流年同過鳥
恐令壯志似頽雲之句曉起張涵齋前輩見過因足成二律奉簡

雞蟲得失任紛紜
伏櫪何須感舊羣
爲惜流年同過鳥
恐令壯志似頽雲
牀頭詩夢閒堪說
屋外人聲靜不聞
客到掃除容膝地
三盃卯酒對朝曛

刁騷牆角葉聲乾一夜西風作曉寒堆案古香披蠹簡
潑甌活火鬥龍團無痕事訝朝朝過不定心將處處安
久欲從君除熱惱世間難覓白旃檀

那東園妹倩歿後六十日往祭其墓賦詩志感時

十月六日

烏兔騰翔逝不迴傷心六十日重來未乾東郭土三尺
又酹西風酒一盃老木葉凋鴉陣亂野塘雲冷雁聲哀
卅年多少回頭事空賦招魂向夜臺

蔗圃孝廉好夜飲蓋以酒引睡也旣餽之酒且戲

以詩

君才本不羈萬選吾家驚對之秋水清俗塵一浣濯破
曉擁臯比課讀聲咿喔夜窗移短檠惜陰猶勸學當其
陰興發一枝花管握旅思哀蘭成香奩感韓偓攢眉百
憂集隻影掩虛幄恨無邯鄲枕睡魔不可捉中宵耿魚
目吸蓋似澆濁髯奴口流涎餅壘互商確那得盜隣釀
夜夜供畢卓我酒藏之久莫笑青州濁爲君掃寒愁枯
腸滌芒角倒牀鼻息鳴沈酣呼不覺

清秘堂簡瑞芝軒侍讀二首

小閣文書靜頭廳晷刻淹聞君纔退食笑我忽停驂來
往若相避步趨空自慙何時車武子入座接清談

座無
車公

不樂出車

武子傳

不是應官去翻教會面難性惟稀最懶詩比孟尤寒小

吏傳書札高朋點食單

時蔡小霞館丈招飲

有緣厠珠履興味洽

盃盤

次答圖時泉改官部曹見寄

官是羊腸坂於中曲逕多求全無上計小折是餘波雞
亦何嫌肋松應不改柯爲君翻苦語冷硯凍全呵

路本青雲上何須慨兩歧鵲巢低擇木蛟雨暗翻池到
處多青眼相逢數白眉儒冠憂治術笑用讀書爲

次韻答時泉夜分書悶之作

迴風舞雪凍雲高
陡覺寒增范叔袍
人自居奇一狐腋
君方唾棄九牛毛
琴絃調苦還宜改
車腳年深詎憚勞
世味飽嘗涼似水
那知公瑾是醇醪

以馬贈時泉系之以詩

老驥伏櫪志千里
對之昂藏心骨悲
平生負異辟萬馬
服鹽折坂非所期
一朝剪拂飾金勒
搥地當與風雲馳
圉人齷齪不迴顧
猶以戀棧相嘲嗤
吁嗟長鳴望丹陛
何緣立仗窺朝儀
君今致遠須健足
轅駒局促寧相宜
此馬歛然入中廐
如麟在郊鳳在枝
超騰萬里向空濶
與君一心夫何疑
雲螭月駟詎有種
道在控馭無游移

千金市骨駿乃至此意要惟郭隗知道遙下澤御款段
請看君豈山林姿

小山五弟補博士弟子詩以志喜且勗之

看君黃氣眉間發果喜今朝論秀回入彀英雄誇小技

操觚花樣得新裁節逢伯趙書雲後

立冬後一日應試

人似楊

時立雪來

時受業於蔗園之門

好著青衫娛白髮雙扶鳩杖笑顏

開

憶余席帽離身日是汝桑弧挂戶時

余於戊子秋領鄉薦小山於是年臘

月始生

仲海有兄原共愛庭堅得弟不嫌癡

黃魯直有癡弟

問年

猶恐童心在愛日休教壯志移努力雲程舒健翮搏風

九萬雁行隨

夜起獨坐有感於懷追和坡翁夜坐韻一首

半榻青綾寒不寐滿爐紅焰撥猶薰
定中心似安明鏡倦後情如掃亂雲
破夢詩書揩眼讀趁朝車馬隔牆聞
相逢盡道雞鳴起舜蹠孳孳一念分

冬日圖時泉同年瑞芝軒侍讀過飲快雨軒

頭廳曾共點清班歲月蹉跎硯席間
甌已墮時君莫顧

璧能運處我無間慎言須記圭磨玷

謂時泉

寡慾真同玉

鍊顏

謂芝軒

五蘊掃除尋淨業閉門端可抵深山

門巷清閑欲設羅只應朋好數來過
筆鋒直欲摧詩壘

譚柄真堪擊睡魔遠客雙魚烹正好

是日食石花魚

午餐一肉

割無多

蘇詩午餐便一肉

竈前石炭烘煙暖瓦釜能調五味和

病目不出同人申爽約之罰詩以道意

銀海含萬象輪廓騰光華惟明視乃遠物無秋毫差我
目夙作疾如玉留微瑕虛炎陡一熾兩背流紅霞開編
字恍惚握管書橫斜晨起閉目坐遙聽街鼓過打窗驚
朔吹撲面愁風沙應官遽失約僚友羣驚呀謂予不肯
出畏寒同林鴉秦越視肥瘠痛癢誰搔爬寄言當荆請
勿以偏勞嗟眼明卻塵障日日趨官衙

蔗圃索和詩甚急賦此緩之

馬背車簷西復東，捉將官裏去匆匆。索逋翻笑詩成債，
引睡渾忘酒有功。嘗以酒送燕，圖故戲及之。未可當鋒三舍避，須妨
失箸一盤空。詞壇暇日傳牋到，險韻君休怯小童。

祀竈

張素萬古垂星芒，人間俎豆升馨香。或云歲暮例更替，
拜而送之歸帝鄉。不須星奴結柳車，雲旗風馬神徜徉。
男女飲食存大欲，鑒其善惡明激揚。有官守者有言責，
詎真緘口占括囊。我前頂禮薦脩潔，脂花餖與膠牙糖。
回頭百事瞭指掌，一一皆可書天章。人之所欲富與貴，
神豈能以私意償。昧者不知苦獻媚，竈前醺酒烹黃羊。

臘月廿四日立春 五言八韻

北陸義輪轉東皇橐籥開柳條初漏洩草甲暗胚胎搖
曳春旂展喧闐臘鼓催占年曾報雪迎歲合看梅插帽
花幡剪安扉帖字裁風光同宛轉客意獨徘徊小閣分
新韻比隣得舊醅登堂介眉壽喜色洽尊罍

立春後一日次韻答時泉

桑榆未許怯頽暉遠到猶看弩發機況有春風噓暖律
那容朔雪逞寒威官清卻似廣文冷義勝應知夫子肥
義勝則肥
出家語歲晚園林無一事杖藜間數暮鴉歸

甲辰除夕遣興十首

髮蒼無那壯心何回首光陰忼惘多三百六旬飛電影
等閒撒手一年過

一冬暖日凍全消又放春風上柳條彈指年頭連歲尾

兩番東斗轉寅杓

是年正臘
兩月立春

杓曰誰春隔月糧分金親串數傾囊健奴攜得紅牋去
臘燕絲雞饋歲忙

新書古語墨痕乾貼牖層層映日看對面門丞開笑口
春風早與進賢冠

莫向街頭喚賣癡眼前兒女樂含飴碧紗籠裏燈光好
人影團團獻壽卮

冠蓋京華半素交一般風雨侍

螭均條水讓我頭銜穩十二年來未肯拋

得失紛紛任塞翁誰將心苦慰良工牛溲馬渤尋常物
待用猶堪入藥籠

排悶閒吟紀歲時敢同賈島祭新詩百番雪色紅闌紙
都是風雲月露詞

松枝煙煖辟清寒尊酒能添一室歡五角六張今已過
佇逢吉曜到門闌

守歲長筵玉漏催一聲爆竹起春雷林鴉樾馬喧騰裏
早望天門曙色開